

SECTION

5

OSUSUKYEREW



OKASA DWUMADI

Akuapem Twi Kyerewbea Ho Mmara

NNIANIM

Saa ɔfa yi kasa fa susukyerew ahorow no ho. Enye Akuapem Twi kasa mu nko na susukyerew ho nimde hia na mmom, ɛho hia wɔ adesua ahorow bi te se Borɔfo kasa ne Abakɔsem sua mu nso.

Adesua yi beko awiei no, na wutumi:

1. Kyerew amannebo susukyerew
2. Kyerew susukyerew susukyerew
3. Kyerew akwankyerɛ susukyerew

Adwempɔw Ahorow

- Susukyerew ye bere a onipa bi fa akyerew kwan so da ne tirimpɔw adi fa asentitiriw bi ho.
- Wubesua biribi afa susukyerew ahorow abiesa ho:
 - o Amannebo susukyerew ye okwan a yenam akyerew so bo amanne fa asem bi a asi ho.
 - o Sukyerɛ susukyerew ye susukyerew a yekyerew fa ade bi ho de kyerekyerɛ senea dekode no su si te pɔtee. Se ebia: ade bi, onipa, beae, osuahu, atanka tebea ne nea ekeka ho.
 - o Akwankyerɛ susukyerew nso ye bere a yenam akyerew so kyerekyerɛ okwan a yefa so ye biribi pɔtee. Ekyerekyerɛ kwan anaa nimde pɔtee a yefa so di dwuma bi anaa ye biribi.
- Susukyerew ahorow no mu biara wɔ nhyehyɛ sononko bi a ɛda emu biara adi.

ADESUA MU NSENTITIRIW

Yɛaka saa atifiasɛm yi afa ahorow no bi ho aɛm wɔ adesua a atwam no bi mu. Wokae nea yɛka faa Asentitiriw Nnyinaso kasamu ho no? Dɛn ne nkyerekyerɛmu kasamu?

Sɛ wo ne wo mfɛfo kyɛ adwen wie a, kyerɛw w'ankasa wo nkyerekyerɛmu.

Afei, fa wo mmuae no toto nkyerekyerɛmu a ɛwɔ fam ha no ho.

Asentitiriw Nnyinaso Kasamu

Asentitiriw Nnyinaso Kasamu yɛ ɔkasamu a ɛde asentitiriw a ɛwɔ kasapɛn no mu to gua. ɛnna nkyerekyerɛmu kasamu nso yɛ ɔkasamu a ɛkyerekyerɛ Asentitiriw Nnyinaso Kasamu no mu.

Osusukyerɛw

Ansa na wubetumi akyerɛw susukyerɛw no, wohia emu nimde amapa. Ɛsɛ sɛ wutumi hyehyɛ adwen ahorow no yie wɔ kasapɛn biara mu. Yebetumi ayɛ eyi wɔ bere a yerehyehyɛ anaa yerekeka adwen ahorow a ɛsɛsɛ no abobom wɔ nnidiso nnidiso kwan so wɔ bere a yɛde adansedide mfonini, ntotoho ne nea ɛkeka ho redi dwuma.

Susukyerɛ yɛ bere a onipa fa akyerɛw kwan so da ne tirimpɔw adi fa asentitiriw bi ho. Susukyerɛw biara de aɛmpɔw bi to gua.

Susukyerɛw ahorow abiesɛ na yɛbɛka ho aɛm. Nea yɛbedi kan aka ho aɛm no ne Amannebo Susukyerɛw.

Amannebo Susukyerɛw

Amannebo Susukyerɛw yɛ ɔkwan a yɛnam akyerɛw so bo amanne fa aɛm bi ase ho. Amannebo susukyerɛw mu nɛm tumi yɛ bɔsrɛmka anaa biribi a asi pɔtee. Amannebo susukyerɛw mu no, yehyehyɛ nɛm no nnidiso nnidiso kwan so na yɛtaa de edinnsiananmu akuw a edi kan (me, yɛn) na edi dwuma wɔ n'akyerɛw mu.

Wɔde twam kabea, adwen mu mfonini ne kasasu ahorow na ɛkyerɛw Amannebo susukyerɛw mu dodow no ara de twe akenkanfo adwen.

Amannebo susukyerɛw atifiasɛm ho nhwɛso:

- Kyerɛw abasɛm fa da a edi kan a wokɔɔ sukuu ho.
- Sɛnea midii akwamma a etwaa mu no.

- Ade titiriw a matumi aye wɔ m'abrabo mu a m'ani gye ho pa ara.
- Kyerew abasem bi fa osuahu a wunya fii mfomso bi a woyee mu.

Dwumadi 5.1

Baanu Baanu Adwuma: Monkyerew Asentitiriw Nnyinaso Kasamu ne Nkyeremyeremu kasamu abien mfa atifiasem yi ho; *Awodadi*

Dwumadi 5.2

Kenkan abasem a ewo fam ho no na gyina so hye Amannebo susukyerew su ahorow a ewowom no.

<https://open.library.okstate.edu/internationalcomposition/chapter/unique-characteristics-of-the-narrative-essay/>

Akuw adwuma: Gyina nimde a Woanya fa saa adesua yi ho no so na Pensempensem nimde a wususuw se eho hia wɔ senea yesi hyehye adwen ahorow wɔ kasapen mu no ho.

Amannebo susukyerew nhyehyee: Amannebo wɔ nhyehyee sononko a eboa ma yetumi hyehye emu nsem no yie.

Kenkan abasem a ewo ha

<https://mhcc.pressbooks.pub/app/uploads/sites/31/2021/07/Narrative-Essay.pdf>

Dwumadi 5.3

Montena akuwakuw na monkye nimde ahorow a monya fii akenkan no mu no.

Momfa nea musua fii akenkan no mu no ntoto amannebo susukyerew nhyehyee ahorow a edidi so yi ho. Nhyehyee ahorow no ne **nnianim**, **asem no ankasa** afei **awiei**.

Nnianim

Eyi na etwe akenkanfo adwen ko abasem no so. Mpen pii no, yede asemmisa, akontabude anaa okasamu a etwe akenkanfo adwen na efi ase.

Abasem no ho nnyinasosem a ehia se akenkanfo hu no nso da adi wo nnianim no mu.

Okasamu a eye Amannebo susukyerew no fapem nso betumi apue wo nnianim no.

Asem no Ankasa

Aha na okyerewfo no do asuko de kyerekyerere okasamu a eye amannebo susukyerew no fapem no mu.

Amannebo susukyerew mu adwen ahorow no, yehyehye no nnidiso nnidiso wo kasapen kwan so wo saa ofa yi mu.

Ese se kaspen biara nya Asentitiriw Nnyinaso Kasamu wo n'ahyeease. Afei, ese se esan nso nya okasamu a ekyere se worefi saa kasapen no so ako kasapen foforo so wo saa kasapen no awiei ho.

Awiei

San kyerew okasamu a eye amannebo susukyerew no fapem no.

San hwe adwempow ahorow no mu wo ofa yi mu.

Kyerew okasamu a etwa to a ebo amannebo susukyerew adwempow ahorow no nnyinaa tofa.

Dwumadi 5.4

1. Montena baanu baanu na monkyerew nneema ahorow a ese se eba wo amannebo susukyerew nhyehyee a eto so abien a eye **asem no ankasa** mu. Mo ne mo afoforo nkye ho nimde.
2. Montena akuwakuw na monkyerew kasapen ahorow abiesa mfa afahye bi a moahwe pen ho. Kenkan kyere adesuafo nkae no na mompensempensem emu nhyehyee no mu.
3. Montena akuwakuw na monkenkan abasem a ewo fam ho no na momfa nhwehwe adwempow a ewo kasapen biara mu ne okwan ahorow a okyerewfo no faa so twee akenkanfo no adwen koo susukyerew no mu nsem no so.

Mekoo Asuapɔn/sukuupɔn mu no, na bere biara mebo me ho mmɔden pa ara wo adesua mu. Me maame ye prɔfesa wo asuapɔn mu enna me papa nso ye okyerɛkyerɛfo, ne saa nti wode adesua hyee me mu wo bere a na mesua pa ara. Bere a mewo adantam sukuu mu (afe a eye fapem ma

daakye ntoaso sukuu adesuafo), menyaa ɔhaw wɔ bere a midii nkoguo wɔ adesua bi a na meɔ me ho mmɔden pa ara wɔ ne sɔhwɛ-kyerew-mu.

Nkogudi.

Eyi ne atenka a minyae wɔ me mu.

Memaa m'awofo ne ne titiriw, m'ankasa nsa sii fam, Eyi maa hu kese bi kaa me maa mibisaa me ho sɛ yei betumi anya nsunsuanso bɔne bi wɔ daakye nhomasua so anaa? Eyi remma mintumi nnya asuapɔn mu akwannya anaa? Ansa na ɔhaw no beben me so no, Mekogyee afotu fii m'awofo ne me fotufo hɔ. Enam wɔn adom ne wɔn ntease so yii me fii ɔhaw ne ne ɔsɛe amoa mu na akyiri yi no, mihuu sɛ, biribiara beye yie.

Nokware, sɔhwɛ-kyerew-mu nkogudi ye ade a etumi nya nsunsuanso bɔne wɔ nnipa so nanso sɛ mitumi bɔ me ho mmɔden nya ɔkyerekyerɛfo a ɔbekyerɛ me ade wɔ me nna a aka wɔ sukuu mu no a, ebeboa ama nea esii no rensi bio na ebesan ama me mmɔdemmo akɔ nkan.

Mihuu sɛ nkogudi ka onipa abrabɔ ho na mmom, ɔkwan a yɛfa so pe ɔhaw no pomasibere na ɛkyerɛ yen nkonimdi wɔ saa ɔhaw no so. Bio, mihuu hia a ɛho ehia sɛ yɛpɛ mmoa fi afoforo hɔ. Enam me kyerekyerɛni no mmoa so maa minyaa adesua no mu ntease yie na enam so maa me mmɔdenmmo wɔ saa adesua no mu kɔɔ nkan. Eyi maa mihuu ɔkwan a mɛfa so agyina ɔhaw bi ano a ɛmfa ho ne senea ano den si te. Enam saa osuahu a minyaa wɔ ntoaso sukuu mu no so maa me hyɛbere sesae a aboa ama mabɛyɛ senea mete nnɛ yi. M'ani agye saa osuahu ahorow a manya no ho ne mpontu a enam so ama manya wɔ saa ɔhaw yi mu.

Sukyerɛ Susukyerew

Dɛn ne Sukyerɛ Susukyerew?

Sukyerɛ susukyerew ye susukyerew a yekyerew fa ade bi ho de kyerekyerɛ senea dekode no su si te pɔtee, sɛ ebia, ade bi, onipa, beae, osuahu, atenka, tebea ne nea ɛkeka ho no ho senea ɛbɛyɛ a ɔkenkanfo no behu ade pɔtee a yereka ho asem no yie. Ɛsɛ sɛ yehyehyɛ emu nsem no yie na yɛde nsemfua a yɛbetwe akenkanfo no wɔn adwen adi dwuma wɔ mu.

Sukyerɛ susukyerɛw nhyehyɛ

Sukyerɛ susukyerɛw nhyehyɛ te sɛ amannebo susukyerɛw nhyehyɛ no ara.

- i. **Nnianim:** Ɛsɛ sɛ nnianim no da nea okyerɛwfo no rebekasa afa ho no adi. Nsɛm a etwe akenkanfo adwen kɔ sukyerɛ susukyerɛw no so bi te sɛ ampemmuae asemmisa ho hia wɔ ha pa ara.
- ii. **Asɛm no Ankasa:** Aha na yɛkyerɛkyerɛ adwempɔw ahorow no mu. Ɛsɛ sɛ Asentitiriw Nnyinaso Kasamu boa ma adwempɔw no mu da hɔ fann na atumi atwe akenkanfo no adwen aba dwumadi no so. Ɛsɛ sɛ yɛde kasapɛn foforo di dwuma wɔ bere a yɛreda adwempɔw foforo adi.
- iii. **Awiei:** San kyerɛw susukyerɛw no nnyinaso anaa ne botae a wokaa ho asɛm wɔ nnianim hɔ no ne adwempɔw ahorow a ɛda adi wɔ asɛm no ankasa bom wɔ ha.

Sukyerɛ susukyerɛw ho nhwɛso ahorow

- Kyerɛkyerɛ sini a wopɛ ne hwɛ pa ara mu.
- Kyerɛkyerɛ senea ahofadi ne aten tenenɛɛ si te mu.
- Kyerɛkyerɛ senea nhoma bi a w'ani gye ho pa ara si te.
- Kyerɛkyerɛ senea okwan a edi kan a wutu kɔɔ amanɔne si te,
- Kyerɛkyerɛ senea w'adamfo a wopɛ n'asɛm pa ara si te.

Dwumadi 5.5

1. Gyina nea woasua yi so na fa kyerekyere sukyerɛ susukyerɛw ase. Den na ɛma sukyerɛ susukyerɛw da nso fi amannebo susukyerɛw ho?

- a. Afei, hwɛ mfonini no na kenkan nea wɔakyerɛw wɔ ase hɔ no na wo ne wo mfɛfo no nkyɛ adwen mfa sukyerɛ susukyerɛw su ho. Nhyehyɛ no mu nea ɛwɔ he na wususuw sɛ ɛho hia pa ara na den nti a?

[A descriptive essay - Search \(bing.com\)](#)

Sukyerɛ susukyerɛw su ahorow no mu bi na ɛwɔ fam ha yi:

- Ɛsɛ sɛ nsɛm no mu da hɔ fann ma okenkanfo no. Ɛsɛ sɛ nsɛm a yɛde to gua no nyinaa ne adwempɔw no kɔ.
- Fa kasasu ahorow nso di dwuma wɔ akyerɛw no mu. Eyi kyere sɛ, okyerɛwfo no de nnyinahɔma, nsɛnkyerɛnne a ɛkasa ne okyerɛfo twa mfonini de kyere asuafo ade a oreka

ho asem no mu ma akenkanfo no hu ade pɔtee a ɔreka ho asem no.

- Fa nsemfua ahorow a ɛbeboa ama akenkanfo no ani agye ade a worekyerɛkyere mu no ho di dwuma.

Dwumadi 5.6

Kenkan akwan ahorow a yɛfa so kyerew sukyere susukyerew a edidi so yi;

1. Nea edi kan no, yɛ nhwehwɛmu fa atifiaseɛ a wɔde ama wo no ho na baabae adwen ahorow no mu. Boaboa nsemfua anaa nsem bi a wobɛpɛ sɛ wode bedi wo dwuma no ano.
2. Nea ɛto so abien, kyerew wo dwumadi nhyehyɛɛ no atrapoeatrapoe kwan so fa nea wobɛka no ho nnidiso nnidiso.
3. Nea ɛto so abiesɛ, kyerew w'asentitiriw nnyinaso kasamu ma kaspen biara.
4. Nea etwa to, kenkan wo susukyerew no mu na yɛ nsiesie a ɛfata. Yei beboa ama woatumi asiesie mfomso a woayɛ wɔ susukyerew no mu nyinaa.

Wode biribi foforo beka eyinom ho anaa? Nneɛma anan yi mu nea ɛwɔ he na wususuw sɛ ɛho hia pa ara wɔ bere a worekyerew sukyere susukyerew?

Dwumadi 5.7

1. Montena akuwakuw na monfa kasapɛn ahorow abiesɛ nkyerew sukyere susukyerew mfa atifiaseɛ yi ho 'Kyerɛkyere seneɛ Ghana nsase bɔbea no si te' yi ho na pensempenseɛ nimde ahorow a ɛboaa wo maa wokyerew saa susukyerew yi mu. Kae sɛ wobɛka sukyere no ne nimde ahorow a ɛboaa wo maa wokyerew wo susukyerew no ho asem akyere wo mfɛfo no nyinaa.
2. Yɛ ntotoho fa amannebɔ susukyerew ne sukyere susukyerew mu nsem ho. Wo ne wo mfɛfo nkyɛ wo mmuae no.

Akwankyerε Susukyerεw

Akwankyerε Susukyerεw da nimde foforo adi fa atifiaseɔ bi ho kyere ɔkenkanfo no. Eboa ma ɔkenkanfo no nya ntease a emu dɔw, nkyereasekann anaa nkyerekyerεmu amapa fa atifiaseɔ pɔtee ho.

Akwan Ahorow A Yεfa So kyerεw Akwankyerε Susukyerεw

Sε wubetumi akyerεw akwankyerε susukyerεw amapa a, εho hia sε wubenya not wobenya ntease a emu dɔw wɔ atifiaseɔ a wɔde ama wo no ho.

Akwankyerε Susukyerεw atifiaseɔ ho nhwεso ahorow;

1. Kyerekyerε ɔkwan a yεfa so nwene kenten
2. Kyerekyerε ɔkwan a wɔfa so yi akannifo wɔ wo sukuu mu
3. Nkwan a w'adamfo bi pε pa ara ne abεkwan nanso onnim yε. Kyerekyerε no senea yesi yε no.
4. ɔkwan bεn so na yesi yε afuw?
5. W'adamfo bi pε sε ɔbesra wo wɔ wo sukuu mu. Kyere no kwan.

Worekyerεw akwankyerε susukyerεw a,εho behia sε wobedi saa atrapoe ahorow yi so;

- a. Kenkan asemmisa anaa atifiaseɔ no yie.
- b. San kenkan nimde a woasua afa akwankyerε susukyerεw ho no mu. Sε wonte biribi ase a, bisa wo kyerekyerεfo na ɔnkyerekyerε mu yie nkyere wo. Wubetumi nso ayε nhwehwεmu afa atifiaseɔ no ho wɔ abεεfo ntontanfidi so anaa nneεma ahorow mu de apε ho nimde.
- c. Kyekye dwumadi no mu nketenkete senea εbeye a wubenya mu ntease yie.
- d. Yε wo susukyerεw no ho nhyehyεe amapa (hwε nea εwɔ fam ho no.) .
- e. Kyerεw ɔkasamu a eyε akwankyerε susukyerεw no fapem no na hyehyε wo nnianim no yie fa hyε wo dwumadi no ase.

Nwennweneho dwumadi: Sε wokenkan atrapoe ahorow a yεfa so kyerεw akwankyerε susukyerεw no wie a, kyere emu nea εho hia pa ara a εbeboa wo ama woaye ahoboa amapa wɔ akwankyerε susukyerεw ho.

Akwankyerɛ susukyerɛw nhyehyɛ ahorow

Akwankyerɛ susukyerɛw ho nhyehyɛ ahorow na edidi so yi:

- i. **Nnianim:** Di kan kyerɛw w'atifikasɛm no ne ɔkasamu a ɛyɛ akwankyerɛ susukyerɛw no fapɛm no na fa bɔ nea worebɛka ho aɛm no tofa.
- ii. **Aɛm no Ankasa:** Eyi taa yɛ kasapɛn abiesɛ nanso etumi boro saa wɔ bere a wo susukyerɛw no ware pa ara. Aha na wokyerɛkyerɛ wo nsem, adwen ahorow anaa atifikasɛm no mu yie. Ɛsɛ sɛ kasapɛn biara kyerɛkyerɛ adwɛmpɔw koro pɛ mu. Eyi bɛboa ama wo susukyerɛw no mu ada fann. Ɛho hia sɛ twaka bɛda kasapɛn biara ne ɔkasamu a ɛyɛ akwankyerɛ susukyerɛw no fapɛm a ɛwɔ nnianim kasapɛn no ntam.
- iii. **Awiei:** Akwankyerɛ susukyerɛw awiei no bɔ atifikasɛm mpɛnsɛmpɛnsɛmu no ho nyinaa bɔ tofa. Eyi yɛ ɔkwan a yɛfa so de akwankyerɛ susukyerɛw dwumadi no nyinaa ba awiei. Ɛbɔ nkyerɛkyerɛmu ahorow a ɔkasamu a ɛyɛ akwankyerɛ susukyerɛw no fapɛm no de to gua ne kasapɛn ahorow a ɛwɔ aɛm no ankasa mu no tofa.

Kenkan abasɛm no na montena baanu baanu mpɛnsɛmpɛnsɛm akwankyerɛ susukyerɛw su mu.

<https://www.quora.com/What-are-the-characteristics-of-an-expository-essay>

Dwumadi 5.8

1. Kyerkyerɛ susukyerɛw mu. Wo ne wo mfɛfo nkyɛ wo mmuae no.
2. Montena baanu baanu mfa nkenkan susukyerɛw nhwɛso no na momfa mpɛnsɛmpɛnsɛm akwankyerɛ susukyerɛw mu. Wo ne wo mfɛfo nkyɛ mmuae no.
<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>
3. Montena baanu baanu na mompɛnsɛmpɛnsɛm akwan ahorow a yɛfa so kyerɛw akwankyerɛ susukyerɛw. Wo ne wo mfɛfo nkyɛ mmuae no.
4. Fa kasapɛn abiesɛ kyerɛw akwankyerɛ susukyerɛw fa atifikasɛm 'kyerɛkyerɛ ɔkwan ahorow a yɛfa so di aboakyer afahyɛ' no ho na fa ma wo yɔnko nnyina so nhwehwe akwankyerɛ susukyerɛw su ahorow a ɛwowom na sɛ ebetumi a, ɔnkasa mfa ne nhyehyɛ ahorow no.
5. Montena akuwakuw na monyɛ ntotoho mfa sukyerɛ susukyerɛw su ne akwankyerɛ susukyerɛw su ho. Mo ne mo mfɛfo nkyɛ mmuae no ho.

MMɔAKYIRI NSEMMISA

1. Fa kasapɛn biako kyerew amannebo susukyerew na kyere Asentitriw Nnyinaso Kasamu ne nkyerekyeremu kasamu ahorow a ewom.
2. Fa w'ankasa nsemfua kyerekyerɛ amannebo susukyerew mu.
3. Kyerekyerɛ akwan ahorow a wobɛfa so akyerew amannebo susukyerew atifiaseɛ *'Osuhu kɛsɛ wɔ m'abrabo mu'*.
4. Pensempenseɛ amannebo susukyerew nhyehyɛɛ no mu. Fa wo mmuae no to wo mfɛfo anim.
5. Fa kasapɛn ahorow abiɛsa kyerew saa susukyerew atifiaseɛ yi *"Akwantu sononko bi a mitui"* na pensempenseɛ ne su ahorow no mu. Kyere asentitriw Nnyinaso Kasamu a ewo kasapɛn no mu biara mu.
6. Kyerew atrapoe ahorow a wubegyina so de akyerew saa susukyerew atifiaseɛ yi *'Kyerew wo sukuu ho asem'*. Mma wo werɛ mfiri sɛ wode susukyerew yi nhyehyɛɛ ne ne su bedi dwuma.
7. Fa kasapɛn abiɛsa anaa nea ɛboro saa kyerew sukyere susukyerew atifiaseɛ yi. *'M'adamfo a mepɛ n'asɛm pa ara wɔ wiase yi mu ho asem'*. Fa sukyere susukyerew ho nhyehyɛɛ no di dwuma.
8. Dɛn ne akwankyerɛ susukyerew?
9. Fa kasapɛn abiɛsa kyerew akwankyerɛ susukyerew fa atifiaseɛ *Kyerekyerɛ sɛnea yesi nwene kɛntɛn. Pensempenseɛ ne nhyehyɛɛ no mu.*
10. Yɛ ntotoho fa amannebo susukyerew ne akwankyerɛ susukyerew ho. Kyerew nneɛma a ɛsɛsɛ ne nea ɛyɛ sononko wɔ wɔn ntam.

MMOAKYIRI NSEMMISA HO MMUAE

1. Kasapen koro susukyerew ho nhweso

Nnipakuw biara wo won asaw ne asaw patee a wosaw wo dwumadi biara ase. Saa asaw yi mu bi wo ho a wosaw no wo bere a woreye ayi, woredi afedida bi, woretto anansesem, worepae anaa woremoma ohene bi ne bere a woresom. Mantam ahorow dunsia a ewo Ghana ha no nyinaa mu biara wo asaw bi a wotaa saw pa ara wo afahye ase ne dwumadi ahorow bi te se ayiye, awaregye ne nea ekeka ho ase. Wosaw saa asaw yi de gyegye nnipa ani san nso de ma wosua ade. (Nhweso, ‘Gome’ ye asaw a Nkranfo a wowa Nkran Mantam mu wo Ghana na wosa bere a woredi Homowo afahye wo Osannaa bosome mu). Asaw ahorow a ewo Ghana no mu bi ne kpalongo a nkranfo saw no, Agbadza a Ewefo saw, Adowa a Akanfo saw no, Bambaya a Eseremfo saw no, Patsa ne Dbahsh a Ga-Adangbeto saw no ne nea ekeka ho. Asaw ahorow yi mu dodow no ara abose no fi Ghanaman ne emu mmuasukuw ahorow no mu.

Asentitiriw Nnyinaso Kasamu no: Nnipakuw biara wo won asaw ne asaw patee a wosaw no wo dwumadi biara ase.

Okasamu nkae no nyinaa ye Nkyerekyeremu Kasamu .

https://en.wikipedia.org/wiki/Culture_of_Ghana

2. Amannebo susukyerew ye abasem a okyerewfo no gyina atifiase patee anaa osuahu bi so kyerew.

3. Okyerewfo no gyina susukyerew no atifiase no so ye nyehyee fa kwan a obefa so akyerew susukyerew no ho na ohwe se ode nnipa ho dinnsiananmu bedi dwuma. Afei, ohwe nyehyee adwen a ewowom no nyinaa nnidiso nnidiso kwanso na ode nsemfua a ebetwe akenkanfo no adwen adi dwuma wo mu.

4. Amannebo susukyerew nyehyee no ne Nnianim, Asem no Ankasa enna Awiei. Ewe se osuani pensempensem saa nyehyee yi biara mu fann.

Mmuae no begyina susukyerew a osuani no bekyerew no so. Nhweso na ewo fam ho no:

Akwantu sononko bi a metui

- Akwantu betumi aye akyinkyinakyinkyin bi a etumi yi wo fi beae a wote ankasa. Ema wo akwannya ma wuhu mmeae ne nnipa afoforo bebre. Akwantu yi mu biako a me were remfi da no ne bere a me ne m'abusuafo koo nsrahwe wo mmepow bi so.

Yehyee akwantu no ase anopa tutuutu. Yehyehyee nnuan, ntade ne afidi a yede twa mfonini a yede betwitwa mfonini wo ho guu yen kaa mu. Na okwan no ware pa ara nanso na eso ye anika. Yedii agoru enna yesan too nnwom ahorow nso. Na yereben mmepow no, yehuu nneema a na eye fe ahorow pii wo ho. Nnua atenten ne mmepow a won ahosu ye ahahamono wo baabiara. Yen adwen yee yen se eye mfonini bi keke na yerehwe.

Anigye dwumadi ahorow

Bere a yeduu yen atenae wo nsrahwebea ho no, yen ani gyee mmoroso. Nna a na edi anim no nyinaa ye anigye nko ara. Yekyinkyin ara kopuee nsuworo ho. Yehuu nwuram mmoa binom nso a wommen yen. Nea na eye anika koraa wo mu no ne ogya a na yetena ho to no anadwo, toto nnuan san to anansesem ahorow no.

Adesua a yenya fii Nsrahwe no mu

Saa nsrahwe yi boa maa minyaa suahu ahorow pii. Emaa m'ani gyee abode a atwa yen ho ahyia no ne hia a eho hia se wo ne w'abusuafo ka bom ko nsrahwe wo baabi. Mesan suaa se ense se nsrahwe no ye kese pa ara ansa na aye nkaedum bi. Eto da a, anigye a nkabom de ba ne nneema wunya ho suahu no nko ara som bo.

Awiei

Nsrahwe a yekoo no wo mmepow no so no ye nea mekae no da biara. Enye nneema a eye fe wo ho nko na mmom serew ne ayonkofa amapa a ebetoo yen ntam no. Emaa mihuu se, ade a eye anika pa ara wo wiase, ne se wo ne afoforo beko nsrahwe na woanya mu anigye.

Nea ewo soro ho no ye susukyerew ho nhweso a wogyina nhyehyee ne atifiase ahorow so ahyehye no nnidiso nnidiso a ebeboa ama watumi akyerew bi.

5. Nea edidi so yi ye “Me sukuu ho asem” ho nhyehyee.

Nnianim mu no, sukuu no din ne beae a ewo nnepa/mfaso a wunya fi sukuu no mu se ebia; nhomasua, ayonkofa ne nea ekeka ho.

Asem no ankasa: Kyerekere senea sukuu no mu si te, senea wɔasi ahyehye sukuu no mu nneema ahorow, adan, adesuabea, ade pɔtee a wɔasua no wɔ hɔ, dwumadi ahorow a ɛkɔ so wɔ sukuu no mu, akyerekyerefo ne sukuu no mu mpanyimfo, asukuufo, fekuw ahorow a ɛwɔ sukuu no mu ne nea ɛkeka ho. (Eyi betumi aye kasapen ahorow abiesa).

Awiei: Nea nti a wope saa sukuu no, Den nti na saa sukuu no na eye papa pa ara, mfaso a woanya afi sukuu no so.

6. Mmuae no betumi aye sononko. Nea ɛwɔ fam ha yi ye nneema a ɛho behia wɔ sukyere susukyerew mu.
7. Mmuae no betumi aye sononko. Nea ɛwɔ fam ha yi ye nneema a ɛho behia wɔ sukyere susukyerew mu.

<https://www.knockholt.kent.sch.uk/attachments/download.asp?file=641&type=pdf>

8. Sukyere susukyerew ye susukyerew a ɛkyerekere senea biribi su si te pɔtee. ɛkyerekere atifiase anaase adwen ahorow pɔtee bi mu fann. ɛda atifiase bi mu nsem a ɛfa biribi ho de kyere akenkanfo.
9. Mmuae no betumi aye sononko. Fa nneema ahorow yi toto wo dwumadi no ho:

Nnianim

- i. Wode ɔkasamu abien anaa abiesa na ɛkyere atifiase no?
- ii. Wode nkyerekyeremu kasamu bi kaa w'atifiase nnianim no ho?
- iii. Twaka bi da wo nkyerekyeremu kasamu ahorow no ne atifiase no ntam?
- iv. W'atifiase no mu da hɔ fann?
- v. Wo nnianim kasapen no ye biribi a ɛtwe akenkanfo adwen anaa ema wɔn ani gye?

Asem no Ankasa

- i. 3-5 no?
- ii. Wokyerekere adwempɔw no mu biara ase yie wɔ kasapen no mu biara mfiase?
- iii. Wunyaa nimde ahorow a ɛfata de tae w'adwempɔw no akyi?

- iv. Wokyerewee biribi wɔ kasapɛn biara awiei a ɛboa ma ɛne kasapɛn a ɛtoa ne so no nya ayɔnkofa bi?

Awiei

- i. Wosan kaa biribi faa adwen a ɛwɔ atɪfiasɛm mu no ho?
- ii. Wokyerew ɔkasamu bi wɔ dwumadi no awiei hɔ a ɛma ɔkenkanfo no ani gye w'adwuma no ho ana?
- iii. Wobɔɔ kasapɛn a wodii kan kyereewee no nyinaa tɔfa?

Ne nyinaa mu no:

- i. W'akwankyerɛ susukyerew no tumi kyerekyere atɪfiasɛm no mu yie ma ɔkenkanfo te ase yie?
- ii. Wode nkyerekyeremu amapa dii dwuma wɔ wo susukyerew no mu anaa?
- iii. Twaka bi da wo kasapɛn no nyinaa ne atɪfiasɛm no ntam?
- iv. Wutumi kyerew biribi a akenkanfo ani gyee ho?
- v. Wtumi maa w'akenkanfo no nyaa nimde a ɛfata no?

<https://palmspringsmiddleschool.net/wp-content/uploads/2013/12/ExpositoryWritingChecklist.pdf>

- 10. Nneema a ɛsesɛ ne nea ɛda nso wɔ amannebɔ susukyerew ne akwankyerɛ susukyerew ntam.
 - a. Amannebɔ susukyerew; yeto no te sɛ anansesɛm nanso akwankyerɛ susukyerew de, ɛkyerekyere ɔkwan a yɛfa so yɛ biribi.
 - b. Akwankyerɛ susukyerew mu nsem yɛ nokwasɛm turodoo nanso amannebɔ susukyerew mu nsem tumi yɛ bɔsrɛmka.
 - c. Wɔhyehye akwankyerɛ susukyerew mu nsem no nnidiso nnidiso nanso amannebɔ susukyerew mu nsem no ntaa nnye nnidiso nnidiso.
 - d. Amannebɔ susukyerew mu nsem nso tumi yɛ nokware anaa bɔsrɛmka nanso akwankyerɛ susukyerew mu nsem yɛ nokwasɛm bere biara.
 - e. Akyerewfo taa de akwankyerɛ susukyerew di dwuma wɔ adesua nhoma ahorow mu nanso wode amannebɔ susukyerew di dwuma wɔ abasɛm anaa anansesɛnkyerew mu.

EXTENDED READING

1. Read for further knowledge: <https://www.grammarly.com/blog/expository-essay/>
2. Denenga, M. S. (2019). *Writing Mastery: Expository Essay: Expository Essay*. Munaii
3. Josephine, E. (2020). Narrative Essay <https://doi.org/10.13140/RG.2.2.29485.03041>
4. Lee, K. (2020). *How to write great essays*. Calvin Lee
5. For more on narrative essay
6. https://www.researchgate.net/publication/338778494_Narrative_Essay
7. Read for further clarification <https://myperfectwords.com/blog/descriptive-essay>
8. Neumann, J. (2016). *A professor's guide to writing essays: The no-nonsense plan for better writing*. 2nd Edition. Jacob Neumann
9. Read <https://fresh-essay.com/descriptive-essays>

REFERENCES

1. Ackley, E. et al (1986) *Macmillan English 12* Macmillan Publishing Company 886 Third Avenue New York, NY 10022
2. Crew, F. (1987), *The Random House Handbook* (5th Edition) McGraw. Hill Publishing Company New York
3. MacGraw Hill, G. (2000) *Grammar and Composition Handbook* McGraw-Grieve D. W., and Pratt, K (1971), *Certificate English Language*, Western Printing Service Ltd., Bristol
4. Herfferman, A.W and Lincoln, J.E. (1982), *Writing, A College Handbook*, Third Ed. W.W. Norton & Company Inc. London
5. Marius, R. & Wiener H.S. (1988), *College Handbook* (2nd edition) The McGraw – Hill Publishing Company

ACKNOWLEDGEMENTS



Ghana Education
Service (GES)

